

# PEKELILING NAIB CANSOLOR

Bilangan 01 Tahun 2018

## PEMBUDAYAAN KATA-KATA INTEGRITI UNIVERSITI TEKNOLOGI MARA

### TUJUAN

1. Pekeliling ini bertujuan untuk memaklumkan mengenai kewajipan menyampaikan kata kata integriti di setiap majlis dan program universiti.

### LATAR BELAKANG

2. Kepatuhan terhadap undang-undang, dasar dan peraturan universiti oleh staf dan pelajar Universti Teknologi MARA amatlah dititik beratkan oleh pihak pengurusan universiti.
3. Kesedaran staf dan pelajar terhadap isu-isu integriti adalah penting bagi mengelakkan sebarang tindakan yang boleh diambil kepada mereka atas faktor kecuaiian dan kelalaian dalam memahami undang-undang, dasar dan peraturan universiti.
4. Majlis Eksekutif Universiti dalam mesyuaratnya bilangan 3 tahun 2018 pada 18 Januari 2018 telah bersetuju untuk melaksanakan penyampaian kata-kata integriti sebelum memulakan majlis dan program yang melibatkan staf, pelajar dan para pemegang taruh.

## PELAKSANAAN

5. Ketua Jabatan yang menganjurkan majlis dan program dikehendaki menyampaikan kata-kata integriti kepada semua hadirin dalam program yang dijalankan sebelum memulakan ucapan. Contoh kata-kata integriti adalah seperti di Lampiran A.
6. Ketua Jabatan dikehendaki membaca kata-kata integriti dengan teratur dan tertib bagi memastikan kata-kata integriti ini jelas dan difahami oleh para hadirin.
7. Setiap Ketua Jabatan/Bahagian/Pusat/Unit/Fakulti/Kampus hendaklah menghantar laporan pelaksanaan kata-kata integriti di majlis dan program yang dianjurkan kepada Unit Integriti setiap dua (2) kali setahun seperti di Lampiran B.

## TARIKH DIKELUARKAN


8. Pekeliling ini dikeluarkan pada 02 April 2018.

## TARIKH KUATKUASA

9. Pekeliling ini berkuat kuasa 02 April 2018.

## PEMAKAIAN

10. Pekeliling ini adalah terpakai untuk seluruh sistem Universiti Teknologi MARA.



**PROFESOR EMERITUS DATO' DR HASSAN SAID**

Naib Canselor

*Dikelilingkan Kepada :*

*Semua Timbalan Naib Canselor  
Semua Ketua Jabatan/Bahagian/Pusat/Unit  
Semua Dekan-Dekan Fakulti  
Semua Rektor-Rektor Kampus Negeri*

*Bil. Fail : 100-UInt(6/7/1)  
No Siri : 100-UITM (NC 6/2)*

## CONTOH KATA-KATA INTEGRITI

### Contoh 1:

Integriti adalah nilai yang bermula dari diri seseorang. Seseorang yang berintegriti akan terus melakukan perkara yang baik walaupun tiada sesiapa yang melihat.

Menjadi kewajipan kita sebagai warga UiTM untuk menunjukkan nilai diri yang berintegriti selaras dengan semangat UiTM Di Hatiku.

### Contoh 2:

Amanah merupakan salah satu nilai yang perlu ada dalam diri warga UiTM. Antara ciri-ciri amanah termasuk adil, jujur, bertanggungjawab, menjaga kerahsiaan, serta menjaga harta dan kepentingan universiti dalam menjalankan tugas.

Semua staf telah menandatangani Surat Aku Janji dimana antara perkara yang diikrar adalah :

*“Saya akan sentiasa melaksanakan tugas dengan cermat, bersungguh-sungguh, cekap, jujur, amanah dan bertanggungjawab”*

Jadi, mari kita sama-sama menunjukkan kesungguhan kita dalam menjalankan amanah sebagai warga UiTM tidak kira apa jua jawatan dan kedudukan kita. Semua orang ada amanah yang perlu dilaksanakan sebaiknya.

### Contoh 3:

Warga UiTM disarankan untuk sentiasa menghargai masa dalam urusan seharian. Antara ciri-ciri menghargai masa termasuk merancang, menyegerakan tugas dan mengambilkira keutamaannya. Namun begitu, dalam usaha mempercepatkan tugas, nilai integriti perlu diutamakan.

**Contoh 4:**

Kejayaan sesebuah jabatan / Fakulti / Cawangan merupakan kejayaan setiap staf dan pelajar. Semangat kerjasama yang jitu perlu dipertingkatkan bagi memastikan segala perancangan dan usaha mendapat kejayaan. Antara ciri-ciri bekerjasama termasuk bantu-membantu, kerja berpasukan, toleransi, saling melengkapi, dan berfikiran terbuka dalam melaksanakan tugas.

**Contoh 5:**

“Dan (ingatlah juga), takala Tuhanmu memaklumkan: “Sesungguhnya jika kamu bersyukur, pasti Kami akan menambah ni’mat kepadamu dan jika kamu mengingkari (ni’mat-Ku), maka sesungguhnya azabKu sangat pedih”. (Surah Ibrahim: 7).

“Hai orang-orang yang beriman, mengapa kamu berkata apa yang tidak kamu kerjakan? Besar kemurkaan dan kebencian di sisi Allah lantaran kamu berkata apa yang kamu tidak kerjakan”. (Surah As-Saff: 2-3)

**Contoh 6:**

“... Individu yang berintegriti akan tetap mematuhi peraturan, kerana takrif integriti memerlukan individu bertingkah laku berdasarkan prinsip moral dan nilai etika, tanpa mengambil kira, sama ada dilihat ataupun tidak. Justeru, untuk menjadi manusia yang berintegriti memerlukan seseorang individu itu menjadi manusia bermoral dan beretika dalam semua aspek kehidupan...”

-Dr Abu Yazid Abu Bakar-

Berita Harian

Terap budaya integriti dalam kehidupan

31.10.2016

**Contoh 7:**

“... Mungkin ada yang ada di antara saudara dan saudari yang bertanya kewajarannya berintegriti dalam dunia pembinaan? Mungkin ada di kalangan saudara saudari yang berpendapat dalam dunia pembinaan

dengan saingan yang sengit tindakan tidak berprinsip dikira sah untuk bersaing dan sebagai ikhtiar untuk terus hidup.

Saudara-saudari semua mungkin tidak berurusan secara langsung dengan rakyat. Tetapi saudara- saudari semua bertanggungjawab menyediakan kemudahan untuk rakyat. Apa yang saudara-saudari bina dan sediakan digunapakai secara terus oleh rakyat. Apabila kerajaan memberikan tanggungjawab kepada saudara saudari untuk menyediakan apa juga kemudahan kepada rakyat, maka ia turut menuntut saudara-saudari semua melaksanakan dengan penuh integriti supaya ia memenuhi setiap spesifikasi yang ditetapkan tanpa mengorbankan mana-mana aspek demi mengejar keuntungan...”

YB. Dato Ir. Mohd Zin B Mohamed  
Menteri Kerja Raya  
Majlis Perasmian Seminar Etika Dan Integriti  
Kontraktor Industri Pembinaan Malaysia 2008  
1.7.2008

## BORANG PELAKSANAAN KATA-KATA INTEGRITI

TAHUN:

Tempoh: Januari hingga Jun /Julai hingga Disember  
 Jabatan/Bahagian/Pusat/Unit/Fakulti/Kampus:

Contoh:

Bil	Tarikh	Masa	Nama Program	Peserta	Nama Pengerusi/Pengucap Kata-Kata Integriti	Petikan-Kata-kata Integriti
1	15.03.2018	8.30 pagi - 10.30 pagi	Majlis Perasmian xxxxx	200 orang staf 100 orang pelajar	Prof. Dr Ahmad bin Ali Dekan	"Bekerjasamalah kamu atas dasar kebaikan dan takwa dan jangalah sekali-kali bekerjasama atas dasar dosa dan permusuhan dan bertakwalah kepada Allah. Sesungguhnya siksa Allah itu amatlah berat." (Surah Al-Maa'idah ayat 2).
2.	16.03.2018	2.00 ptg - 5.00 ptg	Program Pengurusan xxxxx	20 orang staf	Encik Ahmad bin Ali Ketua Jabatan	Sila rujuk lampiran